



NEWSLETTER BR. 12

OKTOBAR 2015

SADRŽAJ

FIPA AKTIVNOSTI ≡

- » Posjeta firmi firmu "Montažne eko kuće Porobić" d.o.o. Žepče
- » Posjeta firmi Elin-Motors Bosnia d.o.o. Živinice
- » Posjeta firmi "Teknotherm Engineering" d.o.o. Žepče
- » Prezentacija Agencije FIPA na Poslovnom forumu Bosna i Hercegovina – Tajvan
- » Predstavnik Agencije FIPA prisustvovao susretu privrednika Kosova i Bosne i Hercegovine
- » Predstavnicu China Gezhouba Group- International Engineering Co, Ltd posjetili Agenciju FIPA
- » Prezentacija Agencije FIPA za predstavnike Anatolian Businessmen Association (ASKON) iz Turske
- » Sastanak predstavnika institucija u BiH o smjernicama vezanim za organizaciju bh. privrednih foruma u inostranstvu u 2016
- » Posjeta privrednicima u Lukavcu i Tuzli
- » Ambasador Japana u BiH posjetio Agenciju FIPA
- » Prezentacija Agencije FIPA za predstavnike Bursa Demirtaş Organized Industrial Zone (DOSAB) iz Turske
- » FIPA učestvovala na sajmu Expo Real u Minhenu
- » Posjeta preduzeću IMACO d.o.o. u Usori
- » Učešće Agencije FIPA na sajmu ZEPS
- » Posjeta preduzeću PREIS USORA d.o.o.

POSLOVNE VIJESTI ≡

- » Mljekara MILGOR ponovo otvorena
- » Novi kapaciteti hladnjače i prerade hrane
- » "Swisslion" otvara novu fabriku u Trebinju
- » Članovi BBI VIP biznis kluba održali B2B sastanke sa privrednicima iz GCC-a
- » U Travniku otvoren novi pogon tekstilne kompanije Fortitudo

IZDVOJENO ≡



INVESTICIONO-RAZVOJNA KONFERENCIJA: SREBRENICA 2015



2015. godine sa ciljem predavljanja investiciono-razvojnih potencijala ovog područja. Ovom prilikom bit će prezentirane mogućnosti ulaganja u Općinu, infrastrukturni projekti, mjere podsticaja, kao i uspješno realizirani investicijski projekti.

Na konferenciji će govoriti osim nadležnih Općine Srebrenica, ambasadori SAD, Holandije, Turske, Norveške, Velike Britanije, OSCE-a i UN-a.

Predstavnik Agencije FIPA će održati prezentaciju o investicionoj klimi u BiH.

Ovdje možete pogledati program konferencije:

<http://fipa.gov.ba/novosti/vijesti/default.aspx?id=7746&langTag=bs-BA>

Organizator-Općina Srebrenica poziva sve zainteresirane da svoj dolazak potvrde najkasnije do 05.11.na broj telefona 056 445 514 ili na mail: protokol@srebrenica.gov.ba i saida.bajric@bbi.ba

FIPA AKTIVNOSTI ≡

≡ POSJETA FIRMI FIRMU “MONTAŽNE EKO KUĆE POROBIĆ”
D.O.O. ŽEPČE



POSJETA FIRMI ELIN-MOTORS BOSNIA
D.O.O. ŽIVINICE ≡



...I JOŠ FIPA AKTIVNOSTI...



POSJETA FIRMI FIRMU “MONTAŽNE EKO KUĆE POROBIĆ” D.O.O. ŽEPČE



U okviru programa postinvesticione podrške stranim investitorima – Aftercare, Tanja Bojović-Simić, predstavnik Agencije za unapređenje stranih investicija BiH (FIPA), Osman Buza, predstavnik Zeničko-dobojskog kantona, i Branka Janko, direktorica Razvojne agencije Žepče, posjetili su 27.10.2015. godine firmu “Montažne eko kuće Porobić” d.o.o. Žepče gdje su održali sastanak sa direktorom Adnanom Porobićem.

Investitor je obavijestio prisutne o procesu montiranja i izgradnje montažnih kuća. Izvozno su orijentirani, a glavna izvozna tržišta su Hrvatska, Slovenija, Italija dok mali procenat kuća prodaju i u Bosni i Hercegovini.

Trenutno zapošljavaju tri radnika s obzirom da su tek od 2014. godine registrirani u BiH. Investitor je zadovoljan poslovnim okruženjem u BiH kao i stručnošću i pouzdanošću ljudskih resursa.



POSJETA FIRMI ELIN-MOTORS BOSNIA D.O.O. ŽIVINICE



Dana 28.10.2015. predstavnici Agencije FIPA-e prisustvovali su otvaranju novog proizvodnog pogona kompanije "Elin Motors Bosnia" u industrijskoj zoni Maline u Živinicama. Vlasnik novootvorene fabrike je kompanija "Elin Motoren GmbH" iz Austrije sa osnovnom djelatnošću proizvodnje elektro motora i generatora.

Prvobitno su zaposlili 85 radnika na proizvodnom pogonu koji zauzima 4000m² stim što će uskoro širiti proizvodne kapacitete s obzirom da su njihovi visokokvalitetni proizvodi već pronašli put na austrijskom tržištu.

Modernizovana proizvodnja, stručna i osposobljena radna snaga kao i kvalitetni uslovi za rad su garant za uspjeh austrijske investicije.



POSJETA FIRMI “TEKNOTHERM ENGINEERING” D.O.O. ŽEPČE



U okviru programa postinvesticione podrške stranim investitorima – Aftercare, predstavnica Agencije za unapređenje stranih investicija (FIPA) Tanja Bojović-Simić zajedno sa g. Osmanom Buza, iz Ze-do kantona, i gđom. Brankom Janko, direktoricom Razvojne agencije Žepče, 27.10.2015. godine posjetila je firmu “Teknotherm Engineering” d.o.o. Žepče gdje su razgovarali sa direktorom Ivom Klarićem, g. Zvonkom Ivanovićem i gđom. Maricom Klarić.

G. Klarić je informirao prisutne o poslovanju kompanije, sistemima za prečišćavanje otpadnih voda i metodama koje koriste u radu.

Firma je 2014. godine registrirana u BiH, i predstavlja investiciju iz Norveške. Trenutno zapošljava 10 radnika, a osnovna djelatnost je inženjering, proizvodnja mašina i pružanje usluga za sestrinske kompanije.

Investitor je zadovoljan poslovnom klimom u BiH i planira širenje postojeće proizvodnje na novoj lokaciji u naredne dvije tri godine, a samim tim i zapošljavanje većeg broja ljudi. Zadovoljan je kvalitetnom i kvalifikovanom radnom snagom kao i uslugama svojih kooperanata.

Kompanija planira fokusirati i u buduću svoju proizvodnju na izvoz prvenstveno u Norvešku.



PREZENTACIJA AGENCIJE FIPA NA POSLOVNOM FORUMU BOSNA I HERCEGOVINA – TAJVAN



Vanjskotrgovinska komora BiH je 22. oktobra 2015. godine u Sarajevu organizirala Poslovni forum i susret privrednika Bosne i Hercegovine i Tajvana. Tom prilikom je Nina Pobrić, šef Odsjeka za promociju investicija u Agenciji FIPA, održala prezentaciju o komparativnim prednostima i investicionim potencijalima Bosne i Hercegovine.

U sklopu Foruma, pored prezentacija o mogućnostima ulaganja u BiH, održana je i panel diskusija o mogućnostima poslovne suradnje između BiH i Tajvana.

Po završetku plenarnog dijela Foruma, održani su bilateralni sastanci na kojima su predstavnici kompanija jedni drugima prezentirali svoje proizvodne i uslužne programe i razgovarali o mogućnostima suradnje.

Tokom većeg dijela 20. vijeka tajvanska je privreda bilježila visok, često i spektakularan rast. Na početku 21. vijeka dvije trećine BDP-a ostvaruje uslužni sektor, a glavna grana industrije je proizvodnja informatičke opreme i drugih sofisticiranih proizvoda.

Bosna i Hercegovina predstavlja dobru bazu za investiranje zbog blizine europskog tržišta, ugovora o slobodnoj i preferencijalnoj trgovini, dobrih lokacija za ulaganje i porezne politike.



PREDSTAVNIK AGENCIJE FIPA PRISUSTVOVAO SUSRETU PRIVREDNIKA KOSOVA I BIH



Predstavnik Agencije FIPA Tanja Bojović-Simić prisustvovala je susretu 60 privrednika Kosova i Bosne i Hercegovine održanom 22. oktobra 2015. godine u Sarajevu

Ukidanje viznog režima za građane Kosova u BiH i obratno bila je glavna tema susreta.

Na skupu koji je dio regionalne inicijative za otvorene razgovore (Open Talks Initiative – OTI) svi su se složili da bi sloboda kretanja ljudi, roba i nesmetan transport povećali vanjskotrgovinsku razmjenu te unaprijedili bilateralnu suradnju.

Ovom prilikom su održana četiri panela, a FIPA je uzela aktivno učešće na prvom panelu pod nazivom „Stanje u poslovanju“ osvrnuvši se na stanje u oblasti investicija BiH-Kosovo, te aktivnosti koje provodi u cilju privlačenja potencijalnih i pružanja podrške postojećim stranim investitorima.

Nakon panela održani su B2B sastanci privrednika.



PREDSTAVNICI CHINA GEZHOUBA GROUP-INTERNATIONAL ENGINEERING CO, LTD POSJETILI AGENCIJU FIPA



Direktorica Agencije FIPA Jelica Grujić, zajedno sa suradnicima, primila je 20. oktobra 2015. godine predstavnike kompanije China Gezhouba Group- International Engineering Co, Ltd.

Predstavnici kineske firme su bili zainteresirani za informacije vezane za infrastrukturne i energetske projekte, PPP projekte, pravni okvir koji se tiče stranih investitora koji ulažu u BiH, kao i finansijskih olakšica koje koriste investitori u BiH.

Predstavnici FIPA-e su informirali privrednike i naglasili spremnost za asistiranje potencijalnog investitora prilikom narednih koraka vezanih za eventualno pokretanjem posla u BiH.



PREZENTACIJA AGENCIJE FIPA ZA PREDSTAVNIKE ANATOLIAN BUSINESSMEN ASSOCIATION (ASKON) IZ TURSKE



Privredna komora Federacije BiH je 16. oktobra 2015. godine u Sarajevu organizirala prezentaciju investicijskih potencijala BiH, sa posebnim akcentom na metalo-prerađivački sektor, za predstavnike Anatolian Businessmen Association (ASKON) iz Turske.

Tom prilikom je Nina Pobrić, šef Odsjeka za promociju investicija u Agenciji FIPA, održala prezentaciju o investicionim potencijalima Bosne i Hercegovine.

Istaknula je da su neki od osnovnih razloga za ulaganje u BiH sljedeći:

- Povoljan geografski položaj
- Raspoloživost prirodnih bogatstava i ljepota
- Dugogodišnja tradicija industrijske proizvodnje
- Veliki broj raspoloživih industrijskih zona, atraktivnih lokacija i proizvodnih objekata
- Povoljno zakonodavstvo za strane investitore
- Niski porezi
- Obrazovana radna snaga
- Valuta vezana za euro
- Potpisani regionalni i bilateralni trgovinski ugovori
- Perspektiva pridruživanja Europskoj uniji



SASTANAK PREDSTAVNIKA INSTITUCIJA U BIH O SMJERNICAMA VEZANIM ZA ORGANIZACIJU BH. PRIVREDNIH FORUMA U INOSTRANSTVU U 2016



14. oktobra 2015. godine u sjedištu Agencije FIPA održan je sastanak predstavnika nadležnih institucija u BiH: Predsjedništva BiH, Ministarstva vanjskih poslova BiH, Ministarstva vanjske trgovine i ekonomskih odnosa BiH, Agencije FIPA, Vanjsko-trgovinske komore BiH, Ureda Vlade FBiH, Ureda distrikta Brčko pri Vijeću ministara BiH vezano za pripremu, koordinaciju i organizaciju investiciono-trgovinskih foruma BiH u inostranstvu u 2016. godini.

Na sastanku je naglašeno da je neophodno zajednički definirati smjernice za organizaciju navedenih foruma, odrediti ulogu svake od institucija u ovom procesu, te odrediti ciljne zemlje za prezentaciju bh. privrednih mogućnosti. Cilj je imati zajednički nastup bh. institucija u zemljama od interesa kako bi se izbjegla mogućnost slabe posjećenost skupa usljed odsustva koordinacije i kratkih rokova za organiziranje susreta.

S obzirom da je za organiziranje ovakvih susreta potrebno izvjesno vrijeme, na sastanku je iznesena mogućnost zajedničkog organiziranja između četiri i šest foruma godišnje. Također je istaknuta potreba objavještavanja nižih nivoa vlasti o ovakvim manifestacijama i njihovog uključivanja u organizaciju i učešće, što do sada nije bio slučaj.

U više navrata ranije, u okviru okruglih stolova i sličnih susreta, predstavnici nižih nivoa vlasti, poput općinskih, su isticali činjenicu da nikada nisu bili niti informirani o organiziranju foruma u inostranstvu niti su bili pozvani da učestvuju na njima. Na sastanku je zaključeno da se u narednom periodu trebaju odabrati ciljne zemlje za prezentaciju, privredni sektori i investicioni projekti koji bi se prezentirali, razmotriti ulogu DKP mreže u organiziranju ovakvih manifestacija, te usvojiti smjernice za organizaciju do kraja decembra 2015.



POSJETA PRIVREDNICIMA U LUKAVCU I TUZLI



Predstavnici Agencije FIPA i USAID-SIDA GOLD projekta posjetili su kompanije FEN BH doo Lukavac, sa porijeklom kapitala iz Njemačke, Europski univerzitet „Kallos“ sa porijeklom kapitala iz Austrije, i firmu Tuzlamet doo Lukavac. Tokom sastanaka razgovarano je o rezultatima poslovanja, kao i o poteškoćama sa kojima se privrednici suočavaju. Na sastanku u Lukavcu je naglašeno da je potrebno osigurati bolju državnu pomoć i razumijevanje prilikom prirodnih nepogoda, poput prošlogodišnjih, posebno za firme kao što je FEN BH doo Lukavac. Firma se oporavila velikom brzinom, samo trudom osnivača i menadžmenta, nakon prošlogodišnjih nepogoda i postepeno vraća proizvodnju na onu iz perioda prije poplava. Međutim, trebat će ipak 4 do 5 godina da povrate dobit.

Ova kompanija je odličan primjer kako se uz dobar menadžment i želju osnivača, koji je prisutan na bh. prostorima od 1997. godine, mogu prevazići sve poteškoće i uspješno poslovati. Država bi trebala iznaći način da ovakve predstavnike, kako sam osnivač navodi, prepozna kao najbolje promotore i to iskoristi i na formalno-pravni način. Iz ustanove Europski Univerzitet „Kallos“ su istakli da su zadovoljni suradnjom sa lokalnim vlastima u Tuzli, te da su dobili punu podršku prilikom osnivanja. Međutim, pretrpjeli su dosta poteškoća sa ustanovom, kao zasebnim pravnim licem, u Brčkom.



AMBASADOR JAPANA U BIH POSJETIO AGENCIJU FIPA



13. oktobra 2015. godine, ambasador Japana u BiH, N.J.E. Kazuya Ogawa sa suradnicima posjetio je Agenciju FIPA gdje je razgovarao sa direktoricom Jelicom Grujić o organizaciji Agencije, njenim aktivnostima i nadležnostima.

2016. godine se obilježava dvadeset godina od uspostavljanja diplomatskih odnosa između BiH i Japana, pa je ambasador govorio o planu organiziranja manifestacije u koju bi i FIPA mogla biti uključena.

Istaknuto je da u BiH posluje 8 japanskih predstavništava, te da još uvijek nema realiziranih japanskih investicija.



PREZENTACIJA AGENCIJE FIPA ZA PREDSTAVNIKE BURSA DEMIRTAŞ ORGANIZED INDUSTRIAL ZONE (DOSAB) IZ TURSKE



Fondacija BIGMEV je 03. oktobra 2015. godine u Sarajevu organizirala prezentaciju investicionih potencijala BiH za predstavnike Bursa Demirtaş Organized Industrial Zone (DOSAB) iz Turske. Tom prilikom je Nina Pobrić, šef Odsjeka za promociju investicija u FIPA-i, održala prezentaciju o potencijalima Bosne i Hercegovine, sa posebnim osvrtom na tekstilni sektor.

Bursa Demirtaş Organized Industrial Zone (DOSAB) u jedna od najvećih organiziranih industrijskih zona u Turskoj, koja se prostire na 475 hektara zemljišta, sa više od 42 hiljada radnika i 4 milijarde US dolara godišnjeg izvoza. 68% kompanija su iz tekstilnog sektora, automobilskog 5%, plastike 5% i drugih sektora 20%.

Najvažniji razlozi za ulaganje u industriju tekstila, odjeće, kože i obuće u BiH su sljedeći:

- duga industrijska tradicija,
- kvaliteta proizvoda,
- dostupnost stručne i cjenovno konkurentne radne snage,
- geografska blizina tržišta EU i mogućnost dostave u kratkom roku po nižoj cijeni transporta, uz lakši i sigurniji prijevoz,
- fleksibilnost proizvodnje,
- povoljan porezni sistem,
- sigurno snabdijevanje energijom,
- putna infrastruktura,
- nepostojanje izvoznih kvota,
- razne vrste poticaja (preko dodatnog fiskalnog olakšanja, subvencija, kreditnih linija)

FIPA - BOSNIA AND HERZEGOWINA



FIPA UČESTVOVALA NA SAJMU EXPO REAL U MINHENU



Predstavnici Agencije za unapređenje stranih investicija u BiH (FIPA) na čelu sa direktoricom Jelicom Grujić, kao i predstavnici Brčko distrikta učestvovali su na 18. EXPO REAL sajmu koji se održao u Minhenu od 5. do 7 oktobra 2015. godine. Agencija FIPA jena sajmu predstavila projekte iz oblasti turizma, poljoprivrede, kao i poslovne zone u BiH.

EXPO REAL je najveći investicioni sajam u Evropi. Ove godine je bilo 1692 izlagača iz 33 zemlje 36.000 posjetilaca iz cijelog svijeta su posjetili sajam.

Paralelno sa sajmom održano je 80 konferencija i panel diskusija na kojima se razgovaralo o trendovima vezano za nekretnine, investicije i finansijska tržišta.



POSJETA PREDUZEĆU IMACO D.O.O. U USORI



Predstavnici Agencije za unapređenje stranih investicija BiH (FIPA) su zajedno sa predstavnicima Zeničko-dobojskog kantona Osmanom Buza i Općine Usora Antom Bonićem posjetili 29. septembra 2015. godine kompaniju IMACO d.o.o. gdje su razgovarali sa direktoricom Karolinom Perić.

Kompanija je osnovana 2006. godine i u 100% je vlasništvu investitora iz Hrvatske. Bave se montiranjem kablova i elektro-sklopova, te finom obradom lima, kao i proizvodnjom dijelova za tešku mašinsku industriju (dijelovi za mašine, lasere i dr.)

Kompanija svoje proizvode plasira na njemačko tržište. Za potrebe proizvodnje uvoze 90% sirovina, a iz BiH koriste čelik.

Trenutno zapošljavaju 46 radnika i planiraju u narednom periodu povećati broj zaposlenih. Također planiraju i izgradnju nove hale u cilju proširenje postojeće poslovne aktivnosti.

Na sastanku se razgovaralo i o poslovnom okruženju u BiH, o preprekama i problemima sa kojima se firma suočava, kao i o budućim planovima.



UČEŠĆE AGENCIJE FIPA NA SAJMU ZEPS



U okviru sajma ZEPS, 7. oktobra 2015. godine, Agencija za unapređenje stranih investicija u BiH (FIPA), Privredna komora FBiH, Ministarstvo razvoja, poduzetništva i obrta FBiH i REZ Agencija organizirali su konferenciju o investicijskim potencijalima BiH, FBiH, te Zeničko-dobojskog kantona.

Tom prilikom predstavnici FIPA-e Nina Pobrić i Dika Mustafić održale su prezentaciju o komparativnim prednostima BiH za strane investitorima, zakonskom ambijentu i raspoloživim investicijskim projektima.



POSJETA PREDUZEĆU PREIS USORA D.O.O.



Predstavnici Agencije FIPA su, zajedno sa predstavnicima Zeničko-dobojskog kantona g. Osmanom Buza i Općine Usora g. Antom Bonićem, posjetili kompaniju PREIS USORA d.o.o. gdje su razgovarali sa direktorom g. Dariom Dadićem i g. Antom Matićem.

PREIS USORA d.o.o. je austrijska investicija sa dijelom domaćeg kapitala, osnovana 2014. godine (dio su grupacije PREIS). Glavna djelatnost kompanije je proizvodnja gotovih proizvoda od metala – kućišta za energetske transformatore malih, srednjih i velikih snaga. U procesu proizvodnje koriste sirovine iz BiH, a proizvode plasiraju na inostrana tržišta: Njemačka, Švicarska, Austrija i Slovenija.

Prema riječima investitora, poslovno okruženje u BiH je na zadovoljavajućem nivou. Trenutno zapošljavaju 60 radnika, a u planu imaju povećanje za još 70 novih radnih mjesta. Takođe, u naredne tri godine planiraju investirati u širenje postojeće poslovne aktivnosti.

Prema riječima direktora, postoji interes određenog broja stranih investitora iz Austrije za Bosnom i Hercegovinom i njenim poslovnim mogućnostima.



PREDSTAVNIK FIPA-E PREDSTAVIO INVESTICIJSKE POTENCIJALE BIH IZ ZEMALJA ZALJEVSKOG VIJEĆA ZA SURADNJU



Delegacija privrednika iz zemalja Zaljevskog vijeća za suradnju (Gulf Cooperation Council - GCC) predvođena generalnim sekretarom Privredne i industrijske komore GCC-a Abdulrahim Hasan Naqijjem posjetila je 7. oktobra BBI banku. U delegaciji su bili privrednicima iz Bahreina, Kuvajta, Omana, Katara, Saudijske Arabije i Ujedinjenih Arapskih Emirata. Predstavnik Agencije FIPA Nina Pobrić je održala prezentaciju o investicijskim potencijalima BiH za navedene privrednike 8. oktobra.

BBI banka putem BBI VIP biznis kluba godinama radi na povezivanju domaćih privrednika sa potencijalnim investitorima, te otvaranju vrata za izvoz bh. proizvoda na inostrana tržišta.

Dolazak 15-očlane delegacije u kojoj su neki od najznačajnijih poslovnih ljudi iz dijela svijeta koji bilježi stalan rast bila je prilika za domaće privrednike da se susretnu sa potencijalnim investitorima.

B2B susreti su organizirani 8. oktobra.

Prema direktoru BBI Ameru Bukviću, privrednici iz Zaljeva izrazili su zainteresiranost za ulaganja u poljoprivredu, nekretnine i turizam.

POSLOVNE VIJESTI ≡



U TRAVNIKU OTVOREN NOVI POGON
TEKSTILNE KOMPANIJE FORTITUDO



ČLANOVI BBI VIP BIZNIS KLUBA ODRŽALI B2B SASTANKE
SA PRIVREDNICIMA IZ GCC-A



...I JOŠ FIPA POSLOVNIH VIJESTI...



MLJEKARA MILGOR PONOVO OTVORENA

Leila Hrelja iz Goražda i Sayed Kamal investitor iz SAD-a, osnovali su kompaniju "Gillani Internacional" i u obnovu mljekare Milgor investirali oko 800.000 KM.

Zaposleno je sedam radnika, a još tri radnika su u proceduri zapošljavanja .

U narednom periodu ž "Milgor" će startati sa testnom proizvodnjom, a mlijeko, mliječni proizvodi, jogurt, svježi sir, pavlaka, te sir Gauda po originalnom receptu, na tržištu bi se trebali naći već krajem godine.



NOVI KAPACITETI HLADNJAČE I PRERADE HRANE



Firma Alprom d.o.o. u Goraždu gradi pogon za skladištenje i preradu hrane na oko 500 m², čiji će se proizvodi izvoziti u Libiju. U toku su montažni radovi, i očekuje se početak proizvodnje do kraja oktobra.

U prvoj fazi će se zaposliti oko 15 radnika i taj broj bi trebao rasti do 30 i više radnika.

Vlasnik firme Muhamed Mahjoub je odlučio investirati u Goraždansku regiju i otvoriti tržište Libije za privredu Goražda i BiH zbog kvaliteta radne snage i velikog investicionog potencijala.



“SWISSLION” OTVARA NOVU FABRIKU U TREBINJU

Predsjednik Koncerna “Swisslion Takovo” Rodoljub Drašković najavio je da će narednih dana biti puštene u rad prve linije u novoizgrađenoj fabrici prehrambene industrije “Trebinje dva” u kojoj će u prvoj fazi biti zaposleno 350 radnika. U toku je montaža tri linije od kojih će jedna ove sedmice biti puštena u rad.

Probna proizvodnja u fabrici dječije hrane planirana je 1. novembra, dok će fabrika za preradu kakao zrna početi sa radom do kraja godine.

U novoj fabrici biće instalirane i tri linije koje do sada nisu bile u asortimanu, a osim proizvodnje dječije hrane “Juvitana” i linije za preradu kakao zrna, obuhvataće i liniju za proizvodnju glaziranih medenjaka.

Vrijednost građevinskih radova na izgradnji fabrike “Trebinje dva”, bez instaliranja opreme, je oko 4,5 miliona KM, a projekat se u cijelosti finansira iz vlastitih prihoda, čime se ukupno investirana sredstva “Swissliona” u proizvodne pogone u Hercegovini približavaju iznosu od 100 miliona KM.

Fabrika obuhvata površinu od 14.800 metara kvadratnih, a “Trebinje dva” biće najveći proizvodni pogon u prehrambenoj industriji u BiH.

Govoreći o budućim planovima, Drašković je istakao da se neće zaustaviti na širenju kapaciteta i proizvodnje u Trebinju, te je najavio i proizvodnju zdrave, organske hrane, napominjući da će fabrike koje bude gradio u ovoj lokalnoj zajednici za tu proizvodnju biti opremljene najsavremenijom tehnologijom na svijetu. On je naveo da u Trebinju gradi i inženjering centar koji će isključivo biti zadužen za osposobljavanje kadrova i da će to biti najjača škola u jugoistočnoj Europi.



ČLANOVI BBI VIP BIZNIS KLUBA ODRŽALI B2B SASTANKE SA PRIVREDNICIMA IZ GCC-A



Bosna Bank International (BBI) i BBI VIP biznis klub organizirali su 8. oktobra u Sarajevu u hotelu „Courtyard by Marriott” B2B sastanke domaćih privrednika sa predstavnicima Federacije privrednih komora zemalja Zaljevskog vijeća za saradnju (Gulf Cooperation Council – GCC). Članovi BBI VIP biznis kluba, direktori i vlasnici kompanija iz oblasti prehrambene i metalske industrije, te građevinarstva i nekretnina imali su priliku prezentirati potencijale za ulaganje u BiH.

Petnaestočlanu delegaciju iz Zaljeva predvodio je Abdulrahim Hasan Naqi, generalni sekretar Federacije privrednih komora. On je u razgovoru sa domaćim privrednicima izrazio zainteresiranost svih zemalja članica Federacije za intenzivniju saradnju i investiranje u BiH.

Prema njegovim riječima postoji velika spremnost poslovnih ljudi iz Bahreina, Kuvajta, Omana, Katara, Saudijske Arabije i Ujedinjenih Arapskih Emirata da prošire saradnju kroz investiranje u BiH, te uvoz naših proizvoda. Međutim, kako bi se to i ostvarilo, g. Naqi je naglasio potrebu uvođenja olakšica za strane investitore, osnivanje one-stop shopa za otvaranje kompanija, te ukidanje viza za zemlje Zaljeva.



U TRAVNIKU OTVOREN NOVI POGON TEKSTILNE KOMPANIJE FORTITUDO

Novi pogon kompanije Fortitudo, namijenjen proizvodnji muških sakoa, otvoren je svečano 8. oktobra u Travniku, a u njemu bit će uposleno 120 radnika. Pogon su otvorili premijer Federacije BiH Fadil Novalić, vlasnik AS Group Sulejman Hrvic i predstavnik njemačkog partnera te kompanije Peter Gross koji su istaknuli kako će proširivanje proizvodnih kapaciteta Fortituda doprinijeti daljem razvoju tekstilne industrije u BiH. Premijer Novalić kazao je kako je danas trebao biti na vrlo važnoj sjednici Doma naroda Federalnog parlamenta, ali da je otvaranje novog industrijskog pogona ocijenio bitnijim događajem.

“Otvaranje novih radnih mjesta toliko nam je potrebno da je ovo za mene danas najvažniji događaj”, kazao je Novalić.

Novalić je istaknuo kako je cilj Vlade Federacije BiH poboljšavanje uvjete za zapošljavanje, a kao primjer je naveo zakonska rješenja o podršci prvom zapošljavanju i zapošljavanju nakon duže pauze.

“Posebno nam je u fokusu tekstilna industrija jer raste i trenutno ima 22.000 uposlenih”, kazao je federalni premijer, naglašavajući kako Vlada poduzima brojne korake kako bi pružila i dodatnu podršku investitorima. Fortitudo d.o.o. iz Travnika nastao je na bogatoj tradiciji tekstilne industrije Borac iz Travnika, a od oktobra 2012. godine posluje u okviru AS GROUP. Otvaranjem novog pogona ova kompanija zapošljava ukupno 820 radnika. Obraćajući se prisutnima, član Uprave AS grupacije Rusmir Hrvic je istaknuo kako se ta kompanija u početku suočavala sa ogromnim problemima, ali je izrasla u respektabilnu evropsku firmu sa modernim pogonima i dobrim radnicima. Kako je rečeno, Fortitudo je u protekloj godini proizveo više od 340.000 odjevnih predmeta, dok će otvaranje novih pogona stvoriti nove poslovne šanse te omogućiti održavanje tradicije kvalitetne tekstilne industrije u Travniku. Poduzetnici su poručili kako im je potrebna veća podrška od vlasti na svim nivoima, a predstavnik njemačkog partnera kompanije Fortitudo Peter Gross istaknuo je kako je postojanje solidarnosti između politike i ekonomije od velike važnosti kako bi bio stvoren siguran ambijent za investiranje i otvorena nova radna mjesta. Premijer Srednjobosanskog kantona Tahir Lendo naglasio je kako BiH ima dugu tradiciju proizvodnje odjeće i obuće, a da u Travniku zauzima posebno mjesto iako je posljednjih godina bila zanemarena. Lendo je istaknuo da kompanija Fortitudo stvara privlačan ambijent i za druge investitore, dok je načelnik Općine Travnik Admir Hadžiemrić ocijenio kako je očigledno da nakon teških vremena dolaze bolja vremena za tekstilnu industriju, dok je obaveza predstavnika vlasti da se prilagode investitorima i pruže im potporu.

Svečanosti u povodu otvaranja novog pogona kompanije Fortitudo prisustvovao je veliki broj osoba iz političkog, društvenog i privrednog života.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Rade Bitange 30
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
ure Daničića 1/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA